

ODIGRAN MEĐUNARODNI TURNIR "DJEČACI SA DRINE"

Autor gorazde.ba

Ponedjeljak, 03 Mart 2014 12:40



Povodom 01. marta – Dana nezavisnosti BiH u organizaciji Muškog rukometnog kluba Goražde proteklog vikenda u Gradskoj dvorani "Mirsad Hurić" u Goraždu odigran je međunarodni turnir "Dječaci sa Drine". Dječaci su se takmičili u tri starosne kategorije: pioniri, kadeti i juniori. Učešće na turniru uzeli su mladi rukometaši Goražda, "Radničkog" iz Goražda, ekipe rukometne akademije "Bosna" iz Sarajeva, RK "Maglaj" iz Maglaja, RK "Olimpico" iz Sarajeva i RK "Rudar" iz Pljevalja.



U konkurenciji pionira, u finalnoj utakmici ekipa Maglaja savladala je ekipu Goražda, a treće je mjesto zauzeo je Radnički. Ekipa Maglaja bila je najuspješnija i u kategoriji kadeta pobjeđivši u finalu tim Goražda. I u ovoj konkurenciji treće mjesto zauzela je ekipa Radničkog. Atraktivan rukomet, sa mnogo uspješnih poteza na obje strane, prikazali su rukometaši Goražda i ekipe rukometne akademije "Bosna" u finalnoj utakmici juniora. Goraždani su dominirali cijeli tok susreta i na kraju slavili rezultatom 24:17, dok su treći i u ovoj kategoriji bili juniori Radničkog.



ODIGRAN MEĐUNARODNI TURNIR "DJEČACI SA DRINE"

Autor gorazde.ba

Ponedjeljak, 03 Mart 2014 12:40

Nakon finalne utakmice, predstavnici organizatora i Jasmin Mrkonja, selektor kadetske reprezentacije BiH, najboljim ekipama uručili su pehare. Utakmice je pratio značajan broj gledalaca koji su mladim rukometašima, sa tribina Gradske dvorane "Mirsad Hurić" dali zasluženu podršku. Turnir "Dječaci sa Drine" otvorio je vrata brojnim mladincima da pokažu koliko znaju u rukometu.

 FOTOGALERIJA

{AG}dsd14{/AG}